

說
文
新
附
考

六書之學古人所謂小學也唐時國子監有書
學說文字林諸書生徒分年誦習自宋儒以涵
培應對進退為小學而書學遂廢說文所以
僅存者實賴徐氏昆弟禁校之力而大徐書
流布尤廣其尊信許氏駁正流俗沿習不
知所從之字至今繆篆家猶奉為科律唯
新附四百餘文大率要卷淺俗雖六形聲相
從實平倉雅之正而張彥中復古編不能別
白直何為許君正文是誣許君矣鈕子非石
家莫聲皋下篇志好古不為科舉之業精

研文字聲音訓詁本一元、獨有心得謂說
文縣諸日月而不刊者也而後人以新附穀
之于是博稽載籍咨訪時彦如取即理假
即纔熟即璋本後代增加剝即剝即抱
乃傳寫謬誤打即打辨即辨勘即勘乃吏
牘妄造一：疏通證明之而其字之不必附不
當附瞭然如視諸掌豈非羽翼六書而為騎
省之評友者乎予初讀徐氏書病其附益字
多不典反見其進表之復有經典相承及時
俗要用而說文不載者承詒皆附益乃知所

附實出太宰之意大徐以羈旅之身竅猜忌
之地心知其非而不致力爭往、於渚中略見其
指合得非石糾而止、騎省如可作也其必引
為知己決不為梁武之護前也夫

嘉慶三年歲次戊午冬十月嘉定錢大昕書
於吳門紫陽書院時年七十有一

說文新附攷卷第一

吳縣鈕樹玉

禰通作昵又作藝

玉篇禰年禮切父廟也重文作祢

新附訓詁或出新異故舉玉篇

等書以證

廣韻禰祖禰亦姓出平原魏有禰衡亦作祢

餘同奴禮切新附禰親廟也从示爾聲一本云古

文禰也泥米切少詹錢先生

大昕

云考於七廟爲

最近故稱爾後人加示旁古讀爾如昵故或爲昵

樹玉謂書高宗彤日典祀無豐于昵釋文引馬云

昵考也謂禰廟也据馬以禰釋昵是漢時已有禰

隸釋載孟郁修堯廟碑作禰

許君不收者蓋以舜典歸格于藝

當作藝禮記王制作歸格于祖禴當本祖用藝也詳後

禴釋文禴繫傳示部有禴訓秋畋下有臣錯曰獵

本作藝之事也左傳曰鳥獸之肉不登于俎則君不射故从示又祖禴也息淺反則同大部獾

犬部獾下有重文祿注云獾或从豕宗廟之田也故从豕示而玉篇獾注云秋

曰獾殺也亦作禴据此疑獾下重文祿當是祿

禴通作濯

玉篇禴他么切遠廟也重文作濯注云古文按

鄭注周禮守禴云故書禴作濯鄭司農濯讀爲禴

是漢時有禴字博雅禴訓祭

祆卽天之俗字

錢先生云祆本番俗所事天神後人因加示旁樹
玉謂玉篇祆音阿憐切据釋名天豫司究以舌腹
言之天顯也是天有讀若顯者與阿憐切合

祚通作𡗗

玉篇祚才故切祿也保也徐氏曰凡祭必受𡗗𡗗
卽福也此字後人所加樹玉謂漢碑有祚据左隱
八年傳衆仲曰天子建德因生以賜姓𡗗之土而
命之氏是古通作𡗗矣繫傳示部有禰禴祧祧祧
五字恐非楚金原本且新附亦無禴

珈或作𡗗

玉篇珈古遐切引詩云副笄六珈傳曰珈笄飾之
最盛者所以別尊卑顧千里廣圻云太元經男子
折笄婦人易笄注范望曰笄笄飾也男子有笄婦
人笄之以飾知笄卽珈字

璩通作鑠或作渠

玉篇璩其於切玉名集韻璩或作璩璩通作鑠
按山海東山經穿耳以鑠郭注鑠金銀器之名音
渠据此知璩璩皆渠之俗字竝非玉名廣韻璩訓
鑠耳之傑一切經音義卷四璩渠注引埤蒼珠曰
璩充耳也渠耳渠也又云西國王等多用金銀作

之著耳匡中用以莊飾

琰或作湔

玉篇琰側簡切引說文曰玉爵也夏曰琰殷曰斚
周曰爵亦作盞觥 按周禮量人注引明堂位夏
后氏以琰釋文云琰劉本作湔音同是古有作湔
者玉篇所引說文乃後人因新附增

琰疑珍之別體

詩魯頌毛傳爾雅釋言琰竝訓寶玉篇同音敕今
切 按說文珍訓寶釋詁珍訓獻是珍義實同琰
但音讀微別耳俗珍或作玠故疑琰當是珍凡經

言方集附錄 卷第一
典中字許君不應遺或所見本不同或經典爲後
人改

璫通作當又作鐙義別

玉篇璫多郎切穿耳施珠也 按史記司馬相如
傳華榱璧璫注索隱引韋昭曰裁玉爲璧以當榱
頭司馬彪曰以璧爲瓦之當也据注中二當字竝
無玉旁知本文亦當是當又据釋名璫訓穿耳施
珠亦訓琅璫則當是鐙說文鐙銀鐙也

璠未詳

玉篇璠蒲漑蒲愷二切珠五百枚也

廣韻上聲訓同

亦作

蜚廣韻去聲十八隊蜚引埤蒼云珠百枚曰蜚孫
權貢珠百蜚蜚貫也又云珠五百枚也亦作非
按玉篇蜚字別無他證疑蜚之譌不足据文選吳
都賦珠非闌干注劉淵林云非貫也珠十貫爲一
非與埤蒼義合未詳古用何字

珂或作𤑔

博雅璊珂又云石之次玉玉篇珂丘何切石次
玉也亦璊璊絜白如雪者一云螺屬也生海中集
韻珂或作𤑔 按司馬長卿上林賦水玉璊珂郭
璞曰水玉水精也璊珂魁礪也

見文選注

與石之次玉

義合

玳疑玖之別體

玉篇玳去里切玉名廣韻上聲六止玳訓佩玉

按說文玖訓石之次玉黑色者引詩貽我佩玖讀若芑音義竝近玳故疑爲玖之別體

珽疑瑀之別體

玉篇珽吁羽切引吳志有薛琮字子珽廣韻上聲九麋珽訓玉名 按說文瑀訓石之次玉者音義與珽近春秋左昭三十年經徐子章禹奔楚穀梁本禹作羽故疑珽爲瑀之別體

璫琰通作翠粲或作萃蔡

玉篇璫七罪切璫琰玉光 按文選琴賦新衣翠

粲李注引子虛賦曰翕呬翠粲張揖曰翠粲衣聲也班婕妤自傷賦曰紛翠粲兮紈素聲洛神賦曰被羅衣之璫粲字雖不同其義一也又按史記司馬相如傳作萃蔡玉篇呬引子虛賦亦作萃蔡訓衣裳張起之聲也唯李翰注文選云翠粲鮮色

琬通作瑁

玉篇琬齒育切引爾雅云璋大八寸謂之琬也

按繫傳瑁下有臣錯按爾雅璋大八寸謂之琬說

文有瑁無琬宜同也云云蓋以瑁訓玉器而讀若
淑則音義竝同耳韻會璫或作琬卽本此

瑄通作宣亦作珣

玉篇瑄音宣

元本作宿緣切

引爾雅云璧大六寸謂之宣

郭璞曰漢書云瑄玉是也

按釋器璧大六寸謂

之宣釋文宣如字本或作瑄音同集韻云瑄通作
宣又說文珣讀若宣周書所謂夷玉据此則珣當
爲宣之正文

珣通作共亦作拱珣

玉篇珣居容居勇二切大璧也

按詩商頌受小

共大共箋云小共大共猶所執搢大球小球也則古通作共左襄二十八年傳與我其拱璧老子雖有拱璧以先駟馬是又作拱集韻玎或作珙

芙蓉通作夫容

按漢書司馬相如及楊雄傳中夫容竝不加艸博雅玉篇已作芙蓉

蘧通作蕒

玉篇蘧爲彼切蘧章楚大夫 按五經文字叙注云鼎冪同物禮經相舛蕒蘧同姓春秋互出佩觿云鼎作冪蕒作蘧音義一而體別云云者据左襄

十八年傳蔦子馮釋文作遺注云本又作蔦二十
五年傳楚蔦掩爲司馬杜注蔦子馮之子知蔦蓬
實一字也

荀通作郇

玉篇荀相倫切草名亦姓徐氏曰今人姓荀氏本
郇侯之後宜用郇字 按廣韻十八諄荀注云草
名又姓本姓郇後去邑爲荀今出潁川

茆通作笱又作笱

玉篇茆才亦才各二切如草 按漢書地理志茆
屬越巂而司馬遷傳作略邛笱史記司馬相如傳

又作邛笮知笮譌爲祚又省作笮也廣韻笮訓竹
索西南夷尋之以渡水重文作笮漢隸字源牁引
蜀郡造橋碑又云益州有笮橋蓋竹艸二部隸書
多混

蓀通作荃

玉篇蓀息昆切香草也類篇蓀亦作荃 按莊子
外物篇荃者所以在魚得魚而忘荃釋文荃崔音
蓀香艸也可以餌魚据此知蓀荃音義竝同疑荃
或借作蓀後人加艸遂分爲二字耳顏延年祭屈
原文比物荃蓀已誤矣

蔬通作疏

釋天蔬不熟爲饅郭注凡草菜可食者通名爲蔬

按詩召旻彼疏斯稗傳云彼宜食疏今反食精
稗箋云疏麤也据此則疏乃不精之稱論語飯疏
食飲水又雖疏食菜羹瓜祭必齊如也又飯疏食
沒齒無怨言竝作疏孟子作蔬食菜羹趙訓蔬食
爲糲食漢碑有蔬一切經音義卷十七引字林云
蔬菜也

芊通作千亦作裕

博雅芊芊茂也玉篇芊七年切草盛貌 按楚辭

九思藿葦兮千眠文選文賦清麗千眠竝作千又
文選高唐賦仰視山巔肅何芊芊李注引說文作
裕又云芊與裕古字通

茗疑萌之俗體

玉篇茗冥頂切茗薺 按古無茗飲郭注釋木云
今呼早采者爲茶晚取者爲茗則義當是萌芽之
萌古名與明通釋名云名明也隸釋載郭君碑卜
商啼眺喪子失名今檀弓作喪明是其證又据隸
釋載張公神碑競茗茗兮給萬錢釋草釋文引張
揖雜字云薺茗之別名也是漢時已有茗字而以

茶薺當酒則始見吳志韋曜傳薺當是薺薺艸也
薺通作香亦作皂

玉篇薺許良切穀氣亦作香 按曲禮黍曰薺合
梁曰薺其鄭康成注周禮大祝引此文薺竝作香
又說文皂訓穀之馨香讀若香亦與薺義合

藏通作臧

玉篇藏慈郎切藏郎草名又隱隱也又才浪切庫
藏徐氏曰案漢書通用臧字从艸後人所加 按
漢碑已有藏字知俗字多起於分隸

藏疑古作蔵

玉篇蕝敕展切解也備也引左氏傳曰寡君願以
蕝事蕝敕也按左文十七年傳以蕝陳事正義
引賈服皆云蕝敕也据晉語陽畢曰厚蕝戒圖以
待之韋注蕝猶敕也是蕝義與蕝同方言蕝敕戒
備也又云備該咸也蕝从咸或聲兼義更與蕝合
又形聲亦相類故疑古作蕝

蕝疑醮之俗字或作霽

玉篇蕝仄陷切以物內水中廣韻去聲五十八蕝
訓以物內水按釋水水醮曰醮郭注云謂水醮
盡是蕝義與醮近楚辭大招湯谷宋只王注宋水

言方音之轉或作𦏧者据廣韻去聲五十九霰注
云以物內水中與𦏧音義並合

𦏧通作𦏧

玉篇𦏧居言切𦏧也又獸似豹人首一目一切經
音義卷十一十四並引字林𦏧從牛也 按洪氏

隸釋云漢碑書𦏧爲之𦏧皆作𦏧

見卷十六

瞿鏡濤

中

浴

云曾見漢銅印亦作𦏧爲樹玉謂廣韻劇訓以
刀去牛勢或作𦏧然則訓𦏧者當是是劉是虔之

虔

通作童

玉篇犗徒東切無角牛亦作驢童徐氏曰古通作
僮 按易大畜童牛之牯釋文童廣蒼作犗劉云
童妾也是古通作童徐云古通作僮者蓋据告下
引易僮牛之告然經典中無作僮者恐所引易爲
後人改

哦卽譏之別體

玉篇哦吾哥切吟哦也廣韻同 按玉篇譏亦訓
吟是哦譏同說文言口二部多通如諧或作喈謨
古文作暮信古文作𠂔吟或作訢嘖或作讀是也

言部 五 卷第一
嗃通作焞又疑歔之別體

玉篇嗃呼洛切引易家人嗃嗃嚴大之聲也 按
易家人嗃嗃釋文嗃嗃引鄭云苦熱之意荀作確
確劉作焞焞据鄭訓苦熱亦當是焞又疑歔之別
體者歔訓歔歔氣出貌義與嗃合欠口二部本通
如嘯籀文作歔嘆同歎是也

售卽讎之俗體

玉篇售視祐切引詩賈用不售賣物不售也 按
詩抑無言不讐傳云讐用也箋云教令之出如賣
物物善則其售賈貴物惡則其售賈賤正義云鄭

唯以讐字爲異釋文售市又反一本作讎謂讎物
價也此音與毛同据此知毛鄭竝作讎後人妄分
也漢書高祖本紀讎數倍如淳曰讎亦售也已誤
仍爲二字

噍疑古作頤又疑噉之別體

淮南主術訓水濁則魚噉高注魚短氣出口喘息
之論也玉篇噉宜檢宜豔二切噉噉魚口上出貌
廣韻上聲五十噉訓噉噉魚口上下貌魚檢切

按說文頤訓讎貌音魚檢切音義竝近噉故疑古
作頤又疑噉之別體者說文噉訓呻與噉義合如

言方義附錄 卷第一
獫亦作獫矣水濁者魚險政苛者民亂見文子精誠篇

唳通作戾亦作厲

玉篇唳力屑切鳥鳴也 按文選謝惠連秋懷詩
寥戾度雲漢洛神賦聲哀厲而彌長嘯賦聲濯濯
疑濯而清厲笙賦羣鸞音以厲聲又云悽戾酸辛
是通作戾亦作厲也唯鮑明遠舞鶴賦唳清響於
丹墀有口旁蓋俗所加

喫通作吃

玉篇喫去擊切啖喫也重文作噉 按世說新語

言語篇鄧艾口喫語稱艾艾據魏志鄧艾傳本作
口吃又漢書周昌揚雄傳竝有口吃之文則古通
作吃矣說文亦無噉

喚通作囁亦作謹

玉篇口部無喚而囁囁竝注云與喚同廣韻去聲
二十九喚訓呼也火貫切重文作囁囁按一切
經音義卷十三囁注云又作囁喚二形同呼灌反
引聲類云囁呼召也又引通俗文大呼曰囁竝與
篇韻合而徐氏云古通用喚未詳所出說文有謹
無囁

哈疑古作咳又疑詒之別體

楚辭九章又衆兆之所哈也王注哈笑也 按哈

博雅曹音呵苔玉篇音訶臺切廣韻音呼來切並
與咳音相近咳訓小兒笑義亦相合故疑古作咳
又疑詒之別體者言口二部義同得通博雅詒訓
欺列子仲尼篇云吾笑龍之詒孔穿義亦與哈合
嘲通作啁

玉篇嘲陟交切言相調也徐氏曰漢書通用啁

按漢書啁見東方朔傳又文選任彥昇詩兼復相
嘲虐李注引蒼頡篇云啁調也字書曰嘲亦啁也

呀卽牙之俗體或作訶

玉篇呀虛牙切大空貌又哈呀張口貌 按御覽

三百六十八引通俗文唇不覆齒謂之齮說文牙

古文作𪔐

當作𪔐詳別
著說文校錄

則齮卽牙之古文義與呀

合揚子太元經爭上九兩虎相牙知掣者全是古

通作牙又按宋景文筆記楊雄傳引蕭該案灑沈

苗而呀壑瀆兮

今漢書作灑沈
苗於豁瀆兮

呀或作阿阿叱問

四瀆也

監本漢書
亦引此說

据此則呀與阿同說文無阿玉

篇阿同訶

些卽些之俗體

玉篇些息計切此也辭也又息箇切集韻去聲三十八些些注云四箇切見楚辭或从口 按釋詁茲斯些已此也郭注些已皆方俗異語釋文些郭音些引廣雅些辭也息計反又息賀反謂語餘聲也据此則些乃些之俗體

邂逅通作解覲亦作解構

玉篇邂胡懈切邂逅不期而會逅胡遘切 按詩綢繆見此邂逅釋文邂逅本亦作解覲淮南似真訓孰能解構人間之事高注解構猶會合也漢碑有邂無逅

遑通作皇

玉篇遑胡光切急也又暇也 按書無逸無皇曰
今日耽樂本作皇下文不遑暇食楚語引亦作皇
詩谷風遑恤我後左襄二十五年傳及禮記表記
引此文竝作皇

逼或作畱亦作幅

玉篇逼碑棘切迫也 按逼迫也釋言文漢碑有
逼經典多作偏而說文亦無偏字据集韻畱或作
偏一切經音義卷十三畱塞注引方言畱滿也今
方言卷六作腹滿曰偏是畱與偏逼同故云或作

畱又据詩采芣邪幅在下毛傳幅偏也所以自偏束也釋名云偏本又作幅彼力反行滕也博雅幅訓則釋文云偏本又作幅彼力反行滕也博雅幅訓滿則亦通作幅矣

邈通作藐

玉篇邈亡卓切遠也重文作邈 按隸釋載漢碑有邈而北海相景君碑藐然高厲繁陽令楊君碑貞、皦藐倫竝作藐又詩抑聽我藐藐左僖九年傳以是藐諸孤亦从艸不从彡貌爲籀文藐此从籀文也廣韻上聲三十小藐引字書藐遠也

遐通作假

漢碑有遐玉篇遐乎家切遠也徐氏曰或通用假字按漢書禮樂志假狄合處師古曰假卽遐字漢隸字源爾下引楊統碑假爾莫不隕涕云卽遐爾字

迄通作訖

玉篇迄呼乙切至也集韻迄引爾雅至也或作愾訖按漢碑及說文叙中竝有迄字漢書楊雄傳降迄周孔蕭該音義云宋咸法言本迄作訖又引字林曰迄至也是古通作訖也集韻或作愾者蓋

据禮記哀公問愾乎天下矣鄭訓愾爲至是假愾爲迄

逆通作屏

漢碑有逆玉篇逆彼諍切散也 按詩作之屏之論語屏四惡王制屏之遠方穀梁宣元年傳放猶屏也是竝作屏唯大學作逆諸四夷釋文引皇云逆猶屏也

透疑誘之俗體

方言宋衛南楚凡相驚曰鴛一日透博雅透訓戲又訓驚音義音叔又云世人以此爲跳透字未是

矣玉篇透他候切跳也又式六切驚貌廣韻入聲
一屋透訓驚也又他豆切 按說文羨訓相誑呼
重文作誘又詵訓相呼誘然則跳透卽詵誘矣其
訓相誑呼亦與驚戲義合故疑爲誘之俗體

邏卽羅之俗字

玉篇邏力佐切遊兵也集韻邏力佐切或省作羅
按漢書楊雄傳賁育之倫蒙盾負羽杖鎧邪而
羅者以萬計一切經音義卷十五人羅注云力賀
反戍屬也謂遊兵以禦寇者也据此則邏乃羅之
俗字非省文

言三集附五 卷第一
迢通作超亦作茗

玉篇迢徒遼切迢遼 按方言釗超遠也燕之北
郊曰釗東齊曰超楚辭九歌平原忽兮路超遠文
選顏延年秋胡詩超遙行人遠竝作超又文選謝
靈運述祖德詩茗茗歷千載遙遙播清塵是亦作
茗

逍遙通作消搖

五經文字序云祧禍逍遙說文漏畧今得之於字
林徐氏曰案詩只用消搖此二字字林所加 按
漢碑已有逍遙而禮記檀弓史記司馬相如傳中

竝作消搖不獨詩也

齡通作聆亦作齡

玉篇齡呂經切古謂年齡也 按漢魯峻碑已有

齡据禮記文王世子夢帝與我九齡釋文本作九
聆注云本或作齡是古通作聆又按漢隸字源齡
引樊額修華嶽碑垂耀萬齡云漢碑齡皆作齡
蹀通作僊又疑遷之別體

玉篇蹀蘇田切蹀蹀猶蹀躞也廣韻蹀注云蹀蹀
旋行貌重文作蹀 按詩賓之初筵作屢舞僊僊
傳云遷徙屢敗也据傳以遷釋僊是僊遷竝通矣

言三才門五
踳疑增之俗體踳卽登之俗體或作踳

文選海賦踳踳窮波李注踳踳失勢貌 按廣韻

去聲四十八增訓剩也子鄧切音義竝合踳故疑
爲增之俗體博雅踳訓履顧氏隸辨踳引蔡湛頌
功踳王府則踳乃登之俗體玉篇踳或作踳

蹉跎通作差沱

玉篇蹉采何切蹉跎也跎達何切徐氏曰案經史
通用差池此亦後人所加 按池當作沱說文無
池

蹉通作戚亦作蹉

博雅蹙訓急玉篇蹙子陸切引詩政事愈蹙蹙促也按考工記不微至無以爲蹙速也注云齊人有名疾爲蹙者又引春秋傳曰蓋以操之爲已蹙矣是古通作蹙漢碑有蹙又曲禮足蹙釋文蹙本又作蹴徐氏云李善文選注通蹴字

蹠疑尤之俗體

玉篇蹠丑甚切蹠蹠重文作跣按博雅作跣蹠無常也莊子秋水篇夔謂竝曰吾以一足蹠蹠而行釋文作跣卓引李云跣卓行貌据此則義當是尤卓後人加足旁說文尤訓行貌與李注合漢書

楊雄傳三軍茫然窮尤闕與注孟康曰尤行也師
古曰尤音淫

詢通作恂或作洵

玉篇詢息遵切咨也臧在東

鑄堂

云心部恂信心

也是本字作洵是通借釋詁詢信也邢疏引方言
云宋衛汝穎之間曰恂又漢書地理志作恂盱且
樂有美同車洵美且都史記司馬相如傳裴駢集
解及說文繫傳引詩皆作恂皇皇者華周爰咨詢
各本皆作詢然釋文于擊鼓靜女皆云洵又作詢
或皇皇者華亦是洵字樹玉按漢宣帝諱詢之字

曰謀則許君不應遺詢字蓋言心二部古多通如
許或作悖謝或作愬說與忱誠與悵諛與愴義並
同因此推之則恂卽詢矣漢碑有詢

讜通作黨

玉篇讜丁朗切直言也善言也 按逸周書祭公

解王拜手稽首黨言隸辨黨引張平子碑黨言允

諾又引荀子博而黨正楊倞注云黨與讜同謂直

言也据此則古通作黨而訓直言者爲長說文瞠

訓直視也漢碑已有讜字林讜訓美言 後漢書班
固傳注及

文選東都 聲類訓善言 尙書益稷
賦注引 篇釋文引

譜通作音或作表

釋名譜布也布列見其事也博雅譜牒也玉篇譜
布魯切屬也牒也布列見其事也廣韻譜博古切
籍錄 按韋昭辨釋名云主簿者主諸簿書簿普
也關音諸事也北堂書鈔卷七十三引文選陸士衡文賦云
普辭條與文律竝與譜義有合又漢書五行叙傳
表與禹叙武舉爲韻西域叙傳表與旅爲韻史通
表歷篇云蓋譜之建名起於周代表之所作因譜
象形故桓君山有云太史公三代世表旁行斜上
並效周譜据此則表與譜音義並同故云或作表

又攷隸釋載孫叔敖碑陰有謚而杜預春秋左傳
序譜字釋文云本又作謚是漢時已有謚字弟不
作譜耳孫觀察星衍云東都事畧劉恕傳著包攷
至周厲王疑年普共和至熙寧年畧普各一卷是
古止作普

詎通作巨亦作渠

玉篇詎其呂渠據二切止也至也格也集韻詎其
遽切引字林未知詞也或作渠按漢書高帝紀
公巨能入乎服虔曰巨音渠猶未應得入也莊子
齊物論庸詎知釋文詎徐本作巨其庶反据此知

古通作巨隸釋張平子碑庸渠限其所至哉引集韻詎通作渠又引史記且蘇君在儀寧渠能乎漢書孫寶傳椽部渠有其人乎師古曰渠讀曰詎諉卽誘之別體

玉篇諉蘇口切小也又思了切亦作諉廣韻上聲二十九諉訓誘爲善也又小也按諉訓小本鄭注學記据一切經音義卷十六誘詠注云古文差誦疑誦諉之誘諉三形同餘手反詠私律切引說文詠誘也廣雅詠諉也其說當本古小學書

謎疑迷之俗字

玉篇謎米閉切隱言也 按廣韻不收謎疑爲迷之俗字者迷訓惑與謎義有合漢書叙傳幽通賦迷與對爲韻

誌通作識

玉篇誌之吏切記也 按禮記檀弓云銘明旌也以死者不可別已故以其旗識之則後人作墓誌義蓋本此

訣通作決亦作玦

玉篇訣古穴切死別也

一切經音義卷九引通俗文與死者別謂之訣文選

別賦注引作與死者辭曰訣

按詩谷風不遠伊邇箋云邇近

也言君子與已訣

宋本作決

別不能遠維近耳釋文訣

本或作決文選鮑明遠東門行將去復還訣李注
訣與決同是古通作決左閔二年傳金決不復荀
子絕人以決則決義亦通

韻通作均

玉篇韻爲鎮切聲和曰韻徐氏曰裴光遠云古與
均同未知其審按文選成公子安嘯賦音均不
恒曲無定制李注均古韻字引鷗冠子曰五聲不
同均然其可喜一也裴說蓋本此然古但言聲音
而不言韻李登尙名聲類呂靜始名韻集耳

鞘卽梢之俗字又作削義別

博雅韜謂之鞘玉篇鞘音宵鞭鞘 按博雅玉篇
訓則鞘當是梢之俗字梢木末也方言尾梢也廣
韻平聲鞘亦訓鞭鞘去聲鞘訓刀鞘重文作鞘新
附鞘訓刀室則當作削方言劒削自河而北燕趙
之間謂之室自關而東謂之廓或謂之削釋名刀
其室曰削玉篇削刻治也又思妙切所以貯劒刃
韜通作薦

玉篇韜音戔鞍韜也 按說文薦蓆也釋名薦所
以自薦藉也是古通作薦

韡疑韡之俗字

玉篇靴肝戈切鞞也亦履也重文作韡廣韻下平
八戈韡訓韡鞋引釋名曰韡本胡服趙武靈王所
服今釋名無此語許肥切重文作鞞按玉篇韡部韡注
云又于問切鞞也故疑韡爲韡之俗字蓋韡爲韡
之重文恐後人或改韡爲革則爲韡矣韡从韡聲
非華聲釋名韡訓跨是已仞爲華聲

鞞通作鞞

博雅鞞謂之繩玉篇鞞丁狄切韡也所以繫制馬
按禮記檀弓柳莊曰如皆守社稷則執執鞞鞞

而從韓詩外傳引此文作孰負羈縶而從說文縶
爲𦇧之重文訓絆馬讀若輒與勒義合

鬧疑譟之俗字

玉篇門部無鬧人部𠂔注云女孝切與鬧同廣韻
去聲三十六𠂔注云不靜又猥也擾也重文作鬧
一切音義卷二十二𠂔女孝反引韻集𠂔猥也衆
也𠂔从市从人字意也或作鬧 按以上諸說竝
先有𠂔後始作鬧然其字竝不見經典据穀梁定
十年傳齊人鼓譟而起注云羣呼曰譟說文譟訓
擾則譟義與鬧正合故疑爲譟之俗字

戰疑鞞之別體或作跼龜

漢書趙充國傳手足戰寒注文穎曰戰坼裂也王

篇作蹠居云切足坼裂也

一切經音義卷十一引通俗文手足坼裂曰蹠

此疑脫手字

按說文鞞攻皮治鼓工也重文作鞞鄭

注禮記祭統云鞞謂鞞磔皮茸之官据此則蹠義與鞞合革韋皮三字義同故疑爲鞞之別體又說文跼訓豚足莊子逍遙遊宋人有善爲不龜手之藥釋文龜徐音居倫反司馬云文坼如龜文也則跼龜音義亦同蹠

蹠疑鞞之俗字

玉篇皴七旬切皴

卽昔之俗字

也

按梁書武帝紀執

筆觸寒手爲皴裂語同漢書手足皴瘃故亦疑爲
皴之俗字

說文新附攷卷第一

說文新附攷卷第二

吳縣鈕樹玉

瞼疑眅之俗體

玉篇瞼九儉切眼也一切經音義卷五眼瞼音居儼反引字略云眼外皮也按北史姚僧傳瞼垂覆目不得視說文眅訓目旁毛韓非說林篇引惠子曰瞽兩目眅是眅義與瞼合故疑爲眅之俗體
眅通作眅

玉篇眅仄洽切目動也一切經音義卷十一眅注云通俗文作瞼字苑作眅同莊狹切目數開閉也經文作眅子葉反目毛也眅非字體按集韻眅

或从夾作𥇑則𥇑與𥇑同元應反以𥇑爲非體誤
𥇑或作𥇑

玉篇𥇑胥規切人姓又下圭切目深惡兒廣韻五
支𥇑注云𥇑盱健兒許規切又息爲切集韻𥇑呼
維切引說文仰目也一曰𥇑𥇑元氣兒或作𥇑

按莊子寓言引老子曰而𥇑𥇑盱盱而誰與居郭
注𥇑𥇑盱盱跋扈之貌與廣韻𥇑義合蓋圭佳音
同可通也

𥇑疑𥇑之俗字又作𥇑義別

玉篇無𥇑廣韻上聲十六軫𥇑注云目童子也又

吉凶形兆謂之兆朕 按周禮瞽瞍注鄭司農云
無目朕謂之瞽有目朕而無見謂之矇有目無眸
子謂之瞽釋文引字林云瞽目有朕無珠子也据
說文瞽目精與新附睚訓合玉篇睚引蒼頡篇視
不了也又與周禮朕訓合故疑爲睚之俗字隸釋
載高朕修周公禮殿記洪氏云諸書多有誤朕爲
朕者則漢時已有朕字其訓吉凶形兆者義當作
朕

眸通作牟

博雅珠子謂之眸玉篇眸莫侯切目瞳子也徐氏

曰說文直作牟本盲訓集韻眸通作牟引荀子非相

篇堯舜參牟子 按周禮小司寇目聽鄭注觀其

牟子視不直則眊然臧在東云徐本釋文改作眸

子宋板周禮及葉鈔本釋文皆作牟子

眊通作厓

玉篇眊五懈切眊眊又裂也集韻眊牛解切目際

也一曰怒視或作厓 按釋畜釋文皆引字林云

目厓也漢書孔光傳厓眊莫不誅傷師古曰厓音

崖一切經音義卷二十皆注云史記眊眊漢書作

厓眊

翻通作幡

漢碑有翻博雅翻翻飛也玉篇翻孚元切飛也

按詩巷伯捷捷幡幡傳云幡幡猶翩翩也史記司馬相如傳落英幡纚又翩幡互經竝作幡

翎卽冷之俗體或作零

玉篇翎魯丁切箭羽也廣韻下平十五青翎郎丁

切鳥羽 按禮記內則羊冷毛而毳羶鄭注冷毛

毳毛別聚於不解者也釋文冷音零冷結毛如氈

也據廣韻毳訓毛結不理又引玉篇云長毛也則

毳翎竝當是冷之俗體一切經音義卷十九毳羽

注云謂鳥羽也經文作零又作翎翻二形近字也
翯疑翯之別體或作虹

漢書楊雄傳登椽欒而翯天門蘇林曰翯至也李
奇曰翯音貢 按玉篇翯音胡公切廣韻戶公切
竝訓飛聲玉篇翯亦訓飛兒說文瀚訓雲氣起是
翯音義竝同翯故疑爲翯之別體又据一切經音
義卷四虹注云古文翯同胡公切卷十六二十六
注竝同是翯或作虹隸釋載巴郡太守張納碑陰
有江州王翯

鷓鴣卽遮姑之俗字

玉篇鷓鴣鳥其鳴自呼常南飛似雉 按北戶錄
衡州多鷓鴣解嶺南諸毒及辟溫瘴前臆文爲白
圓點又一名鴒多對啼運轉數音其韻甚高引廣
志言遮姑鳴云但南不北又引古今注云其鳴自
呼据此則當從廣志作遮姑

鴨疑鵠之俗字

釋鳥舒鳬鶩邢疏引李巡云在野曰鳬在家曰鶩
並鴨也 按玉篇廣韻鴨竝訓水鳥据春秋僖十
六年六鷁退飛過宋都杜注云鷁水鳥釋文鷁五
歷反本或作鷁說文鵠亦引此則鵠義同鴨故疑

爲鰼之俗字蓋鰼當爲水鳥之總名故孟子亦呼
鵞爲鵞鵞

鵞義當作式

玉篇鵞丑力切溪鵞也重文作鵞 按陸佃埤雅
引陳昭裕建州圖經曰溪鵞於水渚宿先少若有
勅令也亦其浮游雄者左鵞者右羣伍皆有式度
据此則義當作式

麼通作𪔐或作摩

一切經音義卷八引通俗文細小曰麼又引三蒼
云麼微也博雅麼訓小又訓微玉篇麼亡可切小

麼也又亡波切集韻麼或作磨 按漢書班彪傳
么磨不及數子敘傳亦同晉灼曰此骨偏磨之磨
也師古曰細小曰磨是古通作磨莊子徐无鬼篇
云反已而不窮循古而不摩釋文摩一本作麼
茲通作旅亦作盧驢

玉篇茲來乎切黑也或作驢徐氏曰義當用驢
按尙書文侯之命及晉語竝作盧鄭箋詩彤弓茲
弓釋文云茲本或作旅字訛左僖二十八年傳茲
弓釋文云茲本或作旅非也陸氏不明茲爲旅之
近字反以爲非謬矣

肱通作𦵏

玉篇肱苦禮切肥腸也東有無肱國人 按海外
北經無肱之國郭注肱或作𦵏又爲人無肱注肱
肥腸也又脰有肱注脚有膊腸也廣韻亦訓肱爲
肥腸据博雅腓肱膕也說文足上象腓腸下从止
則肥當作腓莊子養生主技經肯綮之未嘗釋文
綮苦挺反崔向徐竝音啓司馬云猶結處也

𦵏通作全

玉篇𦵏子雷切赤子陰也亦作𦵏聲類作𦵏廣韻
上平十五灰𦵏臧同切赤子陰也重文作𦵏注云

見老子下平二仙腴子泉切縮腴。按老子未知

牝牡之合而全作

文選范蔚宗宦者傳論體非釋全氣李注引此文亦作全

文全如字河上作駿一作腴引說文子和反又子壘反赤子陰也据此則說文本有腴然玉篇廣韻腴並不引說文又陸氏往往以他書當說文未可盡信也

腔疑空之俗字

玉篇腔去江切羊腔也廣韻訓同有重文羗注云

古文集韻骨體曰腔或作羗新附腔訓內空

韻會腔引

說文內空則內乃肉之訓

按莊子養生篇導大嶽釋文引司

馬云窾空也是於肉空義有合吳才老韻補十陽
有空音枯江切引徐幹室思賦空與傷爲韻是空
音亦合腔至御覽九百二引字林云羴羊腊也玉
羴訓似羊四耳九尾目在背云云未詳何本
胸臆卽胸忍之俗字

玉篇無胸臆 按漢書地理志續漢書郡國志並
作胸忍屬巴郡師古曰胸音劬隸釋載漢碑及後
出曹全碑亦作胸忍唯後漢書吳漢傳注章懷太
子引十三州志關駟胸音春臆音閏云其地下溼
多胸臆蟲因以名縣又晉書音義卷一胸臆引如

淳曰上音蠢下如允反由是廣韻以下皆承其說
顧千里云能改齋漫錄地理亦辨胸臆當作胸忍
但誤以新附爲許氏說文

刎通作効

博雅刎斷也玉篇刎亡粉切割也廣韻上聲十八
吻刎武粉切刎到集韻刎斷也或作効 按荀子
彊國篇欲壽而効其頸楊注云効當作刎一切經
音義卷十三自刎注云古文効同亡粉切引公羊
傳云公遂刎脰而死何休曰刎割也据此知古通
作効禮記檀弓廢其祝効其人鄭注於効無訓

剗疑剗之別體

博雅剗剗剗也玉篇剗於九切剗剗也 按玉篇剗五元切剗剗廣韻剗五九切剗圓剗音義並近剗故疑爲剗之別體

劇卽勦之俗體

玉篇劇巨戟切甚也廣韻入聲二十陌劇增也一日艱也又姓引史記燕有劇辛奇逆切 按李注文選婁引說文劇甚也疑說文甚下當有勦也一訓博雅釋言李引誤到耳以爲卽勦之俗體者據甚劇也說文勞訓劇下卽勦字訓務也釋名劇巨也事功

巨也是古讀劇若巨隸釋載唐扶頌察能治劇其
字尙从力但誤康爲處耳

剝卽剝之俗體

玉篇剝初八切剝柱也廣韻入聲十五鎔剝剝柱
也初鎔切 按一切經音義卷一剝注云案剝書

書上當有字字無此字卽剝字略也剝音初一反浮圖名

剝者訛也其說甚確蓋俗書麥爲柴又省作耒因
譌爲耒耳類篇刀部有剝

窳通作移亦作謔

釋宮連謂窳郭注堂樓閣邊小屋今呼之窳廚連

觀也釋文籒文知反徐氏曰說文通用諂

按逸

周書作雒解設移孔注承屋曰移盧學士

文弟云

移卽籒也樹玉謂徐氏云說文通用諂者蓋因諂

注有周景王作洛陽諂臺之說

筠通作筍

玉篇筠有旻切如竹箭之有筠

按禮記聘義孚

尹旁達鄭注孚讀爲浮尹讀如竹箭之筠浮筠謂

玉采色也釋文尹依注音筍又作筠于貧反据此

則鄭注本是筍別本或作筠也玉篇琇注云琇筍

玉采色亦作筍之證蓋均句音同故得通禮器如

竹箭之有筠釋文引鄭云竹之青皮也今鄭注無
蓋誤引

笏通作習亦作忽

玉篇笏呼骨切引字書云珽也徐氏曰案籀文作
𠄎象形義云佩也古笏佩之此字後人所加 按
儀禮士喪禮竹笏鄭注笏所以書思對命者引玉
藻曰笏天子以璆玉諸侯以象大夫以魚須文竹
士以竹本象可也今文笏作忽据此則从竹者止
宜大夫及士其於天子諸侯則不合史記夏本紀
在治忽裴駢集解云鄭本忽作習卽注曰習者臣

見君所秉書思對命者也君亦有焉云云則士喪
礼古本當亦是召矣

篋通作比亦作枇

玉篇篋方迷切釵篋也廣韻上平十二齊篋訓眉
篋去聲六至有枇訓細櫛 按說文篋訓取蟻比
櫛訓梳比之總名急就篇云鏡篋疏比各異工一
切經音義引蒼頡篇麤者爲梳靡者爲比是古通
作比博雅作枇與廣韻合趙氏賓退錄已辨篋當
作枇比

篙通作稿

方言云所以刺船謂之檣玉篇木部檣訓進船竹部篙訓竹刺船行並音古勞切按文選吳都賦篙工檣師六臣本篙作槁一切經音義卷十五篙注云方言作槁音高謂刺船竹也

叵疑乚之俗體

玉篇口部叵普可切不可也廣韻去聲三十四果叵普火切不可也文選謝靈運詩李注叵引字書及一切經音義卷二十五叵引三蒼竝訓不可按說文序中有叵孫觀察云當卽乚字說文乚讀若阿與不可義合

𧇧通作暴

玉篇𧇧步到切今作暴 按隸釋載樊毅脩華嶽碑云誅強𧇧則漢時已有此字周禮多作𧇧唯秋官禁暴氏尙作暴易繫辭重門擊柝以待暴客釋文暴鄭作𧇧李鼎祚集解亦作𧇧文選蕪城賦伏𧇧藏虎李注引字書曰𧇧古文暴字

𧇧通作兔

方言虎江淮南楚之閒或謂之於𧇧博雅於𧇧李耳虎也玉篇𧇧大乎切烏𧇧卽虎也 按左宣四年傳楚人謂虎於菟釋文同說文無菟玉篇兔或

作菟則古通作兔

盞疑盤之俗字

玉篇無盞廣韻入聲十三末鉢北末切鉢器也亦作盞引顏師古注漢書曰盞食器也按漢書東方朔傳置守宮孟下師古曰孟食器也若盞而大然則訓食器者乃孟非盞也据廣韻上平二十六桓般注云釋典又音鉢二十七刪般有盤𩚑鉢三音故疑爲盤之俗字鉢孟當卽盤孟矣

餒通作𩚑饌

玉篇餒子殉切熟食也

按鄭注特牲饋食禮云

古文羹

饔

皆作餽論語爲政篇有酒食先生饔

饔

重釋文饔引馬云飲食也鄭作餽音俊食餘曰餽

蓋陸氏不辨饔餽實一字故別作音義說文饔訓

具食與熟食飲食食餘義竝通

饔疑膏之俗字

方言饔謂之饔博雅饔饔也玉篇饔古刀切饔糜

按周礼籩人羞籩之實糗餌粉飧注云謂此二

物皆粉稻米黍米所爲也疏云今之飧饔之名出

於此据一切經音義卷六引蒼頡篇粬餅餌也

江南呼爲膏粬是膏義與饔合故疑爲膏之俗字

罐卽灌之俗字

玉篇罐古段切瓶罐 按一切經音義卷八瓶罐
注云又作灌欄二形同古亂切汲器卷十七軍持
注云此譯云瓶謂雙口澡灌也据此知罐卽灌之
俗字蓋本莊子天地篇抱甕而出灌

矮卽雉之俗字

玉篇無矮廣韻上聲十二蟹矮短兒烏蟹切 按
周礼典同陂聲散注云鄭大夫陂讀爲人短罷之
罷釋文罷皮買反字或作矮音同桂林之閒謂人
短爲矮矮本方矮音古買反据宋本周禮附釋文

及葉鈔影宋釋文矮竝作雉集韻上聲十三駭雉
下亦引此文知矮卽雉之俗字故玉篇不收也雉
从隹矢聲說文佳訓鳥之短尾總名於短罷義正
合今本方言作矮當亦後人改

嬰疑莖之俗體通作蹲

臧君

琳

經義雜記云何劭公注公羊僖三十三年

傳云介冑不拜爲其拜如蹲今禮記曲禮上作介
者不拜爲其拜而菱釋文云菱盧本作蹲與何劭
公所引正合玉篇攴部廣韻卅過作菱皆說文所
無據鄭云菱則失容節陸德明孔穎達皆云菱挫

也疑本作挫或通借作莖

說文手部挫推也毛詩鴛鴦傳作催莖也是挫

字可借

俗又加攴因成莖字也

韌通作刃亦作忍紉仞

玉篇韌如吝切柔也又作朋一切經音義卷十九

引字林韌柔也按說文刃訓刀堅鄭康成注考

工記及月令竝有堅刃之說故知古通作刃詩皇

皇者華六轡如絲傳云言調忍也采薇薇亦剛止

箋云謂少堅忍時及白華菅兮抑篇箋中竝作忍

離騷紉秋蘭以爲佩玉臺新咏載古詩蒲葦紉如

絲是又作紉易革卦爻辭鞶用黃牛之革王注牛

之革堅𠂔不可變也瞿鏡濤云舊本周易注皆作
𠂔今本改作𠂔徐鉉解此字與王義同可證𠂔卽
𠂔字之俗

梲卽梲之正文

玉篇梲之移切黃木實可以染引爾雅桑辨有甚
梲梲俱彼切黃木可染也又五回切船上檣竿

按玉篇次序梲適當說文梲而梲在俗字中韻會
四支梲引說文黃木可染者从木卮聲徐曰鮮支
木也十灰梲注云舟上帆干不引說文知小徐本
尙不誤今本繫傳雖作梲而楚金舉貨大徐不審
殖傳卮茜以證則原本當是梲

桅卽桅之譌更附桅字謬矣廣韻上聲四紙桅音
過委切訓短矛又引說文黃木可染則宋人据今
本說文增

榭通作謝亦作射

玉篇榭辭夜切臺有木曰榭

本釋宮

按儀禮鄉射

禮豫則鉤楹內鄭注豫者謂州學也讀如成周宣
謝災之謝周禮作序凡屋無室曰謝

本釋宮

据此知

古通作謝惠氏九經古義云宣榭火左氏古文榭
本作射舉邠敦銘曰王格于宣射劉達引國語云
射不過講軍實以證榭玉竊謂謝射豫序古音並

言文系附列 卷第二 同義得通假孟子曰序者射也是序射亦同

槩卽梢之俗字通作箭

博雅欄謂之欄玉篇欄所角切木名廣韻入聲四
覺稍矛屬引通俗文曰矛丈八者謂之稍重文作
槩 按一切經音義卷二矛稍注云經文有作梢
所交木名也或作槩北人俗字也或作鋤江南俗
字据此知古通作梢又按玉篇箭山卓切以竿擊
人也又蘇堯切舜樂則作箭亦通漢書郊祀志飾
玉梢以舞歌師古曰梢竿也音所交反是箭本同
梢

梳通作杔

玉篇梳音移衣架也釋宮釋文引字林梳榻前机也按禮記曲禮男女不同杔架釋文云杔架也內則男女不同梳架釋文梳作杔羣經音辨引亦作杔五經文字梳注云弋支反棺也字林又爲梳架也經典多以杔爲之

榻疑闕之別體

釋名長狹而卑曰榻言其鵲榻然近地也博雅釋器廣平榻枰也玉篇榻恥臘切牀狹而長謂之榻按隸釋載孟郁修堯廟碑地致墻榻石闕二坐

闕當爲闕之別體

集韻闕或作檣

則闕卽楊矣周禮大司

馬注引司馬法聲聲不過闕而禮記投壺聲釋文

云其聲下其音楊楊然亦闕卽楊之一證

檣通作質

玉篇檣之逸切檣也瞿鏡濤云周禮司弓矢檣質
說文弓部引作甚質樹玉按公羊定八年傳弓繡
質何注質柎也與新附檣訓同文子上德篇質的
張而矢射集亦作質

權通作濯又作擢

玉篇權馳效切機也徐氏曰史記通用濯按班

馬字類濯引史記司馬相如傳濯鶴首濯直孝友
則濯船也漢書注同倭幸傳以濯船爲黃頭郎持
濯行舟也顧千里云亦見漢書百官表水衡都尉
屬官有輯濯令元后傳輯濯越歌師古曰濯與濯
同樹玉謂又作濯者据列女傳趙津女娟歌曰呼
來濯兮行勿疑其字从手

梲通作皋

玉篇梲古刀切桔梲也 按曲禮奉席如橋衡鄭

注橋井上桴梲釋文作挈皋

卽皋之俗體

注云依字作

桔梲見莊子又按莊子天地篇鑿木爲機後重前

輕挈水若抽數如沃湯其名爲棹釋文棹本又作
橋或作皐据此知古通作皐淮南汜論訓作桔皐
而汲

椿卽春之俗字

玉篇椿陟江切椿櫪也又書容切櫪也 按釋名
春櫪也與玉篇椿訓同則後人加木矣

櫻通作鶯

玉篇櫻於耕切含桃引上林賦云櫻桃也釋木楔
荆桃郭注云今櫻桃釋文櫻乙耕反引廣雅云櫻
桃含桃也又引禮記月令羞以含桃鄭注云今之

櫻桃 按高誘注呂覽月令云含桃以鶯鳥所含
故曰含桃又名鶯桃又注淮南時則訓云含桃鶯
桃据此知古通作鶯說文無鶯集韻鶯或作鶯
棟卽棟之譌字

釋木槲赤棟白者棟郭注赤棟樹葉細而岐銳皮
理錯戾好叢生山中中爲車輞白棟葉圓而岐爲
大木釋文棟又作榛同山厄反郭霜狄反 按說

文槭木可作大車輶與郭注中爲車輞合

說文輶
車輞也

据此知棟當是棟蓋棟槭音近可通玉篇棟丑足
七足二切短椽亦木名廣韻入聲一屋棟訓赤棟

木名桑谷切集韻棟蘇谷切赤棟木名可爲車輞

尤與郭注合

梵卽芄之俗體

玉篇梵扶風扶泛二切木得風兒華嚴經音義卷
六十三引葛洪字苑梵淨行也 按隸釋載都鄉
正衛彈碑梵梵黍稷洪氏曰以梵梵爲芄芄字据
此知梵卽芄之俗體徐氏謂出自西域釋書非是
賜通作況

玉篇賜詡誑切賜也 按釋詁賚貢賜畀予賜賜
也釋文賜或作況禮記聘義北面拜賜釋文作拜

況注云本亦作貺左僖十五年傳女承筐亦無貺也釋文貺音況本亦作況又漢書本紀及禮樂志中並作況

贈疑古作冒

博雅贈訓覆玉篇贈孚鳳切贈死也重文作風

按春秋隱元年秋七月天王使宰咺來歸惠公仲子之贈左傳云豫凶事非禮也公羊云贈者蓋以馬以乘馬束帛穀梁云乘馬曰贈左傳正義引服虔云贈覆被也据此疑古只作冒禮記雜記云冒者何也所以揜形也與覆被義合禮記少儀贈馬

入廟門鄭注以其主於死者然則所云車馬者恐是塗車芻靈檀弓云塗車芻靈自古有之周禮校人大喪飾遣車之馬及葬埋之鄭注言埋之則是馬塗車之芻靈

賭疑射之俗字或作都

文選韋曜博奕論賭及衣物徒棊易行李注引埤蒼賭鵠也博雅玉篇訓竝同一切經音義卷十五引通俗文錢戲曰賭也按一切經音義卷十二引纂文云博六博用六箸六棊謂之六博掩撲掩跳錢戲也俗謂之射數或云射意也据此則賭義

當本於射古讀射近都後人或借作都又改作賭
耳藝文類聚藏鈞引風土記一藏爲一籌三籌爲
一都隋書經籍志兵家梁有騎馬都格一卷義當
竝同賭勝廣韻十一模有鄰注
云賭勝出新字林

貼通作帖

玉篇貼天叶切以物質錢 按廣韻帖訓券帖與
貼義合公羊僖四年傳卒帖荆何注帖服也釋文
帖一本作貼

貽通作詒或作胎義別

釋言貽遺也玉篇貽弋之切元貝也

孔注逸周書
王會解同

亦作詒遺也徐氏曰經典通用詒按詩思文貽

我來牟

說文楚下引作詒我來楚

釋文云貽字又作詒同遺也

漢碑已有貽其从貝者當由釋魚貽貝釋文貽顧

餘之反又作胎他來反字林作蛸云黑貝也大才

反

廣韻十六哈蛸引說文云黑貝亦珠蛸是誤以字林爲說文

說文貽蛸竝無

則古當通作胎楊子雲校獵賦云剖明月之珠胎

與廣韻蛸訓合

賺疑斂之俗字

博雅賺賁也玉篇賺徒陷切錯也重賣也廣韻去

聲五十八陷賺重買佇陷切按一切經音義卷

十六引通俗文曰市買先入物曰賧是賧義近賺
賧當爲斂之俗體玉篇斂收也略也

賽通作塞

玉篇賽先再切報也 按急就篇謁禱賽禱鬼神
寵顏注賽報福也王補注云碑本賽作塞引周禮
都宗人注祭謂報塞韓子秦襄王病愈殺生塞禱
郊祀志冬塞禱祠注塞謂報其所祈也廣陵王胥
傳殺牛塞禱樹玉謂管子墨子中亦作塞隸釋載
無極山碑有白羊塞神山之文

賻通作傳

玉篇賻扶句切以財助喪也 按周禮小行人職
若國札喪令賻補之鄭注云故書賻作傳

賻通作澹亦作詹

玉篇賻市豔切周也假助也 按荀子王制篇物
不能澹則必爭楊注澹讀爲賻又漢書食貨志及
司馬遷趙充國傳中竝作澹隸釋載漢碑已有賻
然張納碑澹卹澹餒隸續耿勲碑開倉振澹尙作
澹亦作詹者据呂氏春秋適晉篇不充則不詹高
注詹足也詹讀如澹然無爲之澹

說文新附攷卷第二